



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e - mail: info@voda.ba

Broj: **UP-1/21-3-40-098-6/23**
Datum: **26.05.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BC-GRADNJA“ d.o.o. Bosanska Krupa, za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode tokom rada asfaltne baze izgrađene na području Perna, Grad Bosanska Krupa, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Pravnom licu, „BC - GRADNJA“ d.o.o. Bosanska Krupa, daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode tokom rada asfaltne baze, radnog kapaciteta 100 t/h, izgrađene na zemljištu označenom kao k.č. broj: 18/37-1 K.O. Perna 1, područje Grada Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na objektima postrojenja i pod slijedećim uslovima:
 - 3.1. Da korisnik objekta asfaltne baze sa pratećim sadržajima, u toku važenja ovog Rješenja, uradi projekt izvedenog stanja sistema za prikupljanje, tretman i ispuštanje otpadnih voda sa predmetne lokacije, na nivou glavnog projekta, kojim treba:
 - Uraditi geodetski snimak izvednog stanja objekata, postrojenja i instalacija na predmetnoj lokaciji. Geodetski snimak je potrebno uraditi na katastarskoj podlozi, kako bi se ustanovilo da li je predmetno postrojenje sa pratećim sadržajima izgrađeno na odobrenoj katastarskoj čestici, na kojoj je izdana vodna saglasnost od strane kantonalnog ministarstva poljoprivrede, vodoprivrede i šumarstva te na kojem su izdata akta o građenju.
 - Uraditi snimak svih izvedenih hidroinstalacija na lokaciji predmetnog objekta.
 - Hidraulički proračun količina tehnoloških otpadnih voda koje nastaju na lokalitetu postrojenja za proizvodnju asfaltne mase i tehničko rješenje njihovog prečišćavanja sa svim potrebnim proračunima i tehničkim opisom u odnosu na izvedeno stanje (ugrađeni separator ulja i masti).
 - Dati prijedlog prikupljanja onečišćenih oborinskih voda sa radnih površina za pretakanje naftnih derivata, uključujući i mazut, površina za parkiranje i održavanje radnih mašina i voznog parka te otpadnih voda nastalih pranjem tehnološke opreme, mehanizacije i uređaja, i slično te predvidjeti odgovarajući taložnik i separator prije ispusta u recipijent.
 - Izvršiti hidraulički proračun za onečišćene otpadne vode te na osnovu istih dimenzionirati odgovarajući taložnik, za bistrjenje istih prije ispusta u recipijent – prirodnu uvalu - vrtaću.
 - Predvidjeti ugradnju separatora ulja i masti u skladu sa EN 858-2, sa koalescentnim filterom i automatskim zatvaračem.
 - Dati opis i na situacionom prikazu naznačiti recipijent otpadnih voda za ispuštanje zauljenih otpadnih voda sa prostora platoa za tankovanje i održavanje radnih mašina.
 - Definirati izradu monitoring okna za uzorkovanje prečišćenih voda, prije ispusta u recipijent, u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20),
 - Definirati način skladištenja goriva i maziva na predviđenom platou sa prikazom ograđenih tankova, a na način da se spriječi dospijevanje istih u tlo i/ili površinske i/ili podzemne vode

- (gorivo i mazivo mora biti smješteno u vodnepropusne kade/tankvane, odnosno skladište ulja, maziva i rezervnih dijelova mora biti natkriveno).
- Predvidjeti plato za odlaganje prljavog materijala nastalog čišćenjem mješalice pijeskom i šljunkom.
 - Dati osvrt mogućeg negativnog uticaja predmetnih aktivnosti na hidrografsku mrežu sliva podzemnih voda budući da se lokacija nalazi na kraškom tlu u blizini rijeke Une.
 - Uraditi tehnički opis i tehničke nacрте posuda za prijem i skladištenje naftnih derivata na predmetnoj lokaciji, dati prijedlog sanacije tankvane, način zaštite od korozije, zaštite od procurenja istih na tlo, površinske i/ili podzemne vode.
 - Jasno naznačiti postojeće stanje i projektom predviđene intervencije.
 - Projektna dokumentacija mora sadržati Dinamički plan sa finansijskim ulaganjima (za sve predviđene objekte, kao i sistema za prijem, tretman i ispuštanje svih otpadnih voda), u skladu s Uredbom o uslovima ispuštanja otpadnih voda u okoliš i sisteme javne kanalizacije sa rokom za realizaciju istih do 19.12.2023. godine.
 - U projektu je potrebno definirati položaj objekta u odnosu na vodno dobro i poplavno područje obližnjih vodotoka, zone sanitarne zaštite izvorišta vode za piće, te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično te dati prijedlog mjera sa tehničkim rješenjem za sprečavanje tih uticaja;
- 3.2. Da korisnik predmetnih objekata pogona za proizvodnju asfaltne mase, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole, okolinskom dozvolom te saglasnostima i dozvolama dobivenim od strane drugih nadležnih organa.
 - 3.3. Nakon ovjere projektne dokumentacije i odobrenog detaljnog dinamičkog plana sa spiskom aktivnosti i mjera sa finansijskom procjenom ulaganja, navedenih u prethodnoj tački rješenja, vlasnik, odnosno korisnik predmetnog postrojenja je dužan izvršiti realizaciju predviđenih aktivnosti u datom roku.
 - 3.4. Skladištiti naftne derivate uključujući i mazut, ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
 - 3.5. Korisnik mora obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisija otpadnih voda iz Tabele 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20 i 96/20).
 - 3.6. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
 - 3.7. Otpadno ulje (rabljeno ulje), zaupljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
 - 3.8. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
 - 3.9. Da se sa opasnim i štetnim materijama (aditivi, i sl.) postupa savjesno pri skladištenju, transportu i pretovaru kako ne bi došlo do štetnih posljedice uslijed prosipanja istih.
 - 3.10. Opasni materijal i otpad nastao pri izvođenju radova ne smije se ni privremeno odlagati na česticu «vodno dobro», odnosno u vodotok i na njegove obale.
 - 3.11. Višak asfaltne mase iz postrojenja te zaprljani pijesak i šljunak u procesu čišćenja istoga se ne smije odlagati na zalene površine, vodno dobro i/ili vodotok te se isti treba reciklirati u skladu sa propisima o zaštiti okoliša.
 - 3.12. Da se redovno vrši monitoring prečišćene oborinske onečišćene vode iz okna za monitoring shodno članu 19. do 24. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).

- 3.13. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj: 92/07, 46/09, 79/11, 88/12 i 03/16), Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik „BC-GRADNJA” d.o.o. Bosanska Krupa je dužan provoditi sve mjere i aktivnosti propisane istom.
 6. U slučaju vanrednih situacija, havarijskih oštećenja i drugih sličnih okolnosti, čime bi bio ugrožen kvalitet voda obavezno izvesti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije se daje sa rokom važenja do 19.12.2023. godine.
 10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
 12. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

O b r a z l o ž e n j e

Pravno lice „BC - GRADNJA” d.o.o. Bosanska Krupa, obratilo se ovoj Agenciji dana 09.03.2023. godine zahtjevom, broj: I-25/23, za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji asfaltne baze, izgrađenog u predjelu Perna, Grad Bosanska Krupa, a na kojem se vrši proizvodnja asfaltne mase. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija aktuelnog izvoda iz sudskog registra, Matični broj subjekta upisa: 1-533-00; izdan od strane Općinskog suda u Bihaću dana 30.03.2023. godine,
- Ovjerena kopija uvjerenja o registraciji poreznog obveznika, izdano dana 27.05.2021. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija rješenja, kojim se daje investitoru „BC-GRADNJA” DOO iz Bosanska Krupe, sa sjedištem u ul. Otočkih heroja br. 15, Bosanska Otoka, ODOBRENJE ZA UPOTREBU za izvedene radove na izgradnji Asfaltne baze na lokalitetu Perna, sa pripadajućim postrojenjem i opremom, na zemljištu označenom kao k.č. broj 18/37 (zv „Uvala”), K.O. Perna 1, općina Bosanska Krupa, sve prema ovjerenoj tehničkoj dokumentaciji i rješenju kojim je dato odobrenje za građenje, broj: UP-I/02/2-23-2-7/06 od 05.04.2006. godine, na k.č. br. 18/37 (zv. „Uvala”), K.O. Perna 1, općina Bosanska Krupa; izdano od strane Federalnog ministarstva prostornog uređenja pod brojem UP-I/02/2-23-2-7/06, dana 02.09.2008. godine, u Sarajevu,
- Kopija elektronskog naloga za plaćanje upravne pristojbe,
- Ovjerena kopija rješenja, kojim se izdaje obnovljena okolinska dovola privrednom društvu „BC-GRADNJA” d.o.o. Bosanska Krupa, za eksploataciju mineralne sirovine dolomita, ukupne površine eksploatacionog polja 4,00 ha, betonske baze instalisanog kapaciteta 30 m³/h i asfaltne baze kapaciteta 100 t/h, koje se nalazi se na lokalitetu Perna 1; Općina Bosanska Krupa; izdano od strane Federalnog ministarstva okoliša i turizma pod brojem UP I 5/2-23-11-24/16, dana 07.04.2016. godine, u Sarajevu,

- Kopija zaključka, kojim se odbacuje zahtjev za izdavanje obnovljene okolišne dozvole operateru-privrednom društvu „BC-GRADNJA“ d.o.o. Bosanska Krupa za eksploataciju mineralne sirovine dolomita, površine eksploatacionog polja 4,00 ha, betonsku bazu instalisanog kapaciteta 30 m³/h i asfaltnu bazu kapaciteta 100 t/h na parceli koja obuhvata k.č. 18/37-1 („Uvala“) katastarske općine Perna 1, Općina Bosanska Krupa, iz razloga što betonske baze, asfaltna baza i eksploatacija mineralne sirovine dolomita ne podliježu obavezi pribavljanja okolišne dozvole; izdan od strane Federalnog ministarstva okoliša i turizma pod brojem UPI-05/2-02-19-5-199/21 SN, dana 17.01.2022. godine, u Sarajevu,
- Kopija Rješenja o vodnoj dozvoli, izdano od strane Agencije za vodno područje rijeke Save pod brojem UP-I/25-40-845-5/08, dana 26.08.2008. godine,
- Popratni akt o dopuni podneska zahtjeva, broj: I-43-04/23 od 13.04.2023. godine,
- Popratni akt o dopuni podneska zahtjeva, broj: I-52-04/23 od 29.04.2023. godine,
- Kopija uvjerenja o registraciji/upisu u Jedinstveni registar obveznika indirektnih poreza, izdano od strane Uprave za indirektno – neizravno oporezivanje Bosne i Hercegovine pod brojem 04/1-17-1-UPJR/1-3109-2/21, dana 21.06.2021. godine, u Banjaluci,
- Kopija aktuelnog izvoda iz sudskog registra, Matični broj subjekta upisa: 1-533-00; izdan od strane Općinskog suda u Bihaću dana 10.02.2023. godine,
- Kopija pravosnažnog rješenja (pečat klauzule pravosnažnosti otisnuta dana 05.10.2008. godine), kojim se daje investitoru „BC-GRADNJA“ DOO iz Bosanska Krupe, sa sjedištem u ul. Otočkih heroja br. 15, Bosanska Otoka, ODOBRENJE ZA UPOTREBU za izvedene radove na izgradnji Asfaltna baze na lokalitetu Perna, sa pripadajućim postrojenjem i opremom, na zemljištu označenom kao k.č. broj 18/37 (zv. „Uvala“), K.O. Perna 1, općina Bosanska Krupa, sve prema ovjerenoj tehničkoj dokumentaciji i rješenju kojim je dato odobrenje za građenje, broj: UP-I/02/2-23-2-7/06 od 05.04.2006. godine, na k.č. br. 18/37 (zv. „Uvala“), K.O. Perna 1, općina Bosanska Krupa; izdano od strane Federalnog ministarstva prostornog uređenja pod brojem UP-I/02/2-23-2-7/06, dana 02.09.2008. g., u Sarajevu,
- Kopija pravosnažnog rješenja (pečat klauzule pravosnažnosti otisnuta dana 08.04.2008. godine), kojim se daje odobrenje za građenje investitoru „BC-GRADNJA“ DOO Bosanska Krupa, sa sjedištem u Bosanskoj Otoci, Ul. Otočkih heroja 15, za izgradnju Asfaltna baze na lokalitetu Perna, sa pripadajućim postrojenjima i opremom, na zemljištu u posjedu podnosioca zahtjeva, označenom kao k.č. broj 18/37-1 (zv. „Uvala“), K.O. Perna 1, područje općine Bosanska Krupa; izdano od strane Federalnog ministarstva prostornog uređenja pod brojem UP-I/02/2-23-2-7/06, dana 05.04.2006. g., u Sarajevu,
- Zaključak o visini i roku za plaćanje posebnih troškova, izdanog od strane ove Agencije, broj UP-1/21-3-40-098-4/23, dana 14.03.2023. godine, te kopija elektronskog naloga za plaćanje istih.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22), izvršen je pregled lokaliteta asfaltna baze koji se koristi od strane firme „BC - GRADNJA“ d.o.o. Bosanska Krupa, i tom prilikom sačinjen zapisnik o uviđaju, broj: UP-1/21-3-40-098-5/23 od 27.04.2023. godine, pri čemu je utvrđeno:

Uviđajem na predmetnoj lokaciji je konstatirano da je podnosilac zahtjeva izveo objekt postrojenja za proizvodnju asfaltna mase – asfaltnu bazu, za koje je pribavio vodnu dozvolu, od strane ove Agencije, čija valjanost je prestala da važi još 2013. godine. Podnosilac zahtjeva nije priložio situacioni prikaz, a uvidom na internet stranicu geoportal.ba se ne može utvrditi položaj izgrađenih sadržaja budući da za predmetnu katastarsku općinu nije izvršena digitalizacija katastarskih podataka. Nije urađen geodetski snimak izvedenog stanja na katastarskoj podlozi sa osnovnim geodetskim podacima. Nema osnovnih podataka o izvedenim hidroinstalacijama (cijevni vodovi instalacija vodovoda i kanalizacije, profili istih, predviđenog monitoring okna, i slično). Rješenje o vodnoj dozvoli, broj: UP-I/25-3-40-845-5/08, izdano od strane ove Agencije dana 25.08.2008. godine je izdano na osnovu izvoda iz glavnog projekta – snimak izvedenog stanja, vanjski vodovod i kanalizacija, koji nije urađen od strane projektne firme s ovlaštenjem federalnog ministarstva poljoprivrede, vodoprivrede i šumarstva (lista A).

Asfaltna baza je instaliranog kapaciteta 100 t/h, proizvođača SIM tip CB 100. Tehnološki proces proizvodnje asfaltna smjese sastoji se od tehnoloških cjelina, odnosno postrojenja: - postrojenje za preddoziranje materijala (jednokomponentni uređaj za doziranje, dozirna traka, vibrator, sabirno-dozirni transporter sa vedricama elevator) i dozirni bunker sa četiri spremišta za hladne mineralne agregate različitih granulacija, - postrojenje za sušenje i zagrijavanje materijala (rotaciona sušnica, postrojenje za zagrijavanje sa plamenikom), - postrojenje za otprašivanje (kombinacija filtera i sistema ciklona, transport čvrstih čestica prašine, usisni ventilator, dimnjak otpadnih plinova od čeličnog lima), - sistem miješanja materijala (topli elevator, uređaj za prosijavanje, spremnik za zagrijanu mineralnu masu, presipna cijev za višak zrna, vaga za mineralnu sirovinu, vaga za punilo, vaga za bitumen, mikser), - silos za mješavinu (kola za šaržiranje, silos za pretovar) – sistem opskrbe

mineralnom sirovinom (silos za mineralni prah iz vlastitog postrojenja, silos za mineralni prah iz drugog izvora, elevator za mineralni prah, međusilos za mineralni prah) - sistem vaganja bitumena i agregata (tri spremnika i pumpa za bitumen), - sistem prosijavanja na sitima, - sistem otprašivanja dimnih gasova iz sušare, - sistem skladištenja filera, - sistem skladištenja bitumena, - sistem skladištenja goriva za proizvodnju asfaltne mase, - sistem doziranja punila i drugih dodataka, - sistem za skladištenje bitumenske mase - gotovog proizvoda, - sistem za upravljanje proizvodnjom asfaltne mase - komandna-upravljačka centrala smještena u kontejneru za centralno automatsko upravljanje procesom proizvodnje), - sistem tretmana otpadnih i oborinskih voda. Proizvodni proces započinje dovozom i skladištenjem potrebnih sirovina (mineralni agregat, bitumen, kameno brašno, i sl.). Doprema bitumena se vrši cisternama zapremine 20 m³ te se pretače u rezervoare za bitumen, smještene u zidanoj tankvani, koja je oštećena uslijed manipulacije radnim mašinama. Izrađena tankvana oko tri spremnika za mazut predmetna lokacije zatpana jalovinom sa obližnjeg kamenoloma. Smještene u zidanoj tankvani, koja je oštećena uslijed manipulacije radnih mašina, budući da je ista izvedena zidanjem betonskim blokovima. Na lokaciji se ne može utvrditi položaj separatora ulja i masti niti drugih hidroinstalacija, budući da je je oštećena uslijed manipulacije radnih mašina, budući da je ista izvedena zidanjem betonskim blokovima. Snabdijevanje vodom za piće, kao i snabdijevanje vodom u sanitarne svrhe (voda za potrebe sanitarnih prostorija i čajne kuhinje) korisnik je obezbijedio zahvatanjem vode sa izvora u neposrednoj blizini. Voda za tehnološke potrebe se skuplja u bazen za tehničku vodu, lociran na prostoru obližnjeg kamenoloma, koji je u posjedu podnosioca zahtjeva. Oborinske vode sa internih saobraćajnih i parkirnih površina, radnih površina asfaltne baze te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se slijevaju u obližnju uvalu - vrtaču. Nije priložena adekvatna projektna dokumentacija te je potrebno istu uraditi te dopuniti sa potrebnim intervencijama na terenu kako bi se ispuštanje otpadnih voda vršilo u skladu sa Uredbom, odnosno kako bi se spriječili negativni uticaji predmetnog postrojenja na površinske i podzemne vode te kako bi se mogao uraditi dinamički plan sa finansijom procjenom ulaganja u skladu sa Uredbom. Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl. inž. građ.

Dostaviti:

- „BC - GRADNJA“ d.o.o. Bosanska Krupa, ulica Otočkih heroja 15, 77 244 Otoka,
- ④ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava